

BOCHOR REAK' 20AK' AṬHWAR

Onor

Kristre ađi manotan đularia Go-Baba,boeha-miserako- jotoko Jisu marań

Teheń do bochor reak' bar gelak' Aṭhwar kana.

Jion re jaejug nam lađitte, Jisu Krist re pađiau ańgoć do ađige jarurgea. Uniak katha ańjom ar Uniak katha leka calak' hń ađige jarura. Menkhan jaejug join nam lađitte uni saote jom-nui hń unakge jarurgea. Uniak serma disom re bolok' lađitte, Uniak Bhoj- Sonot Yukaristre selet' do jarurkana, cedak' je Sonot Yukarist' re Jisu do acak' tege jel ar maýame emokkana. Jisure sađi pađiau ańgoćtege sađi lekate Sonot Yukaristre lekman selet'do hođ bon hoe đareyaka.

Noa sonot misa' etohop' lahare de abok' mon-maıla bon saphaema. Debon kulikma:

Cet' in' do sađige Jisu jion emokic' ren pađiau kana?

Cet' in' do Jisuak' kathań ańjomda ar Uniak' katha leka jion kemaol' lađit' kurumutu menaktira?

Cet' in' do Jisuak' hormo sađi jomak' ar Jisuak' maýam sađi nuiak' kana menteń pađiauk' kana?

Cet' in' do Jisuak' Sonot Yukaristre Uniak' hajirtet' ren pađiaukkana?

Pahil Pađ

Kahtukko puthi khon teheńak' pahil pađ **9:1-9**

[1] Akil do ac'ak' orađ'e benao akada; uni do dhiri reak' eae gođec' khunđiye bit'akada. [2] Uni do janwar gurkanate jele isin akada ar darkha rasa saote mosolae mesal akawada; uni do jomak'te tebile sađao akada. [3] Uni do ac'ren kađmiko sanam jaegareye kol akat'koa, ar nagraha reak' joto khon cetan utar thai khon uni do hohoyet'teye meneda, [4] "Lelha hođ do nonđeko hijuk'ma." Okoeyak' buđ banuk'tako onkoe metako kana, [5] "Dela hijuk'te, inak' jomak' jompe, inak' mosola mesal akat' darkha rasa nuđipe; [6] Lelhako saote gatek' do bađime, ina khanem bańcaok'a; am do budan reak' horte taramme." [7] Landa dhut' hođ then okoe milimisiđ lađit'e calak' uni doe lađao ocok'a; bađic' hođkoak' dos okoeye nambara' bađic' hođ do unigeye dusiyea. [8] Landa dhut'ic' hođ do dosko alom uduk'aea, arem uduk'ae khan ame hirkhawama; bickom akilan hođ do uniyak' dosko uduk'aeme, uni do ame dularnea. [9] Akilan hođ solha emaeme, inakhan arhń akilanice' hoyok'a; Isor botorae hođ cet'aeme, uni do arhń cecet'ak'e hametjońa.

Dosar Pađ

Ephesiko then Sonot Pađulusak' ciđhi **5:15-20**

[15] Ape cet'lekape calak'kan ona reań mońjite hudiskate nelpe. Bebuđ hođko leka bań calaokate akelanko leka bađe calak'pe. [16] Apeak' tire bhage kami reak' okađak' at menak' ona do purate kamire lagaope, ente noa piđhi do bađic'gea. [17] Onateń meneda, ape do bebujko alope hoyok'a, bickom Probhu Isorak' sana cet' kana mente ona buđhađ jońpe. [18] Alope nuđ bulok'a, onate do bin sambaraok'kope hoyok'a. Ona khon bickom sonot Jiu tabere takenpe, [19] ape do sereńko reak' sereńte ar sarhao sereńkote ar Jiuteak' ođhėak'kote ape apere gapal maraope; ar apeak' ontorte Probhu Isor ođhė sereńa'pe. [20] Siń sađup' aboren Probhu Jisu Mađi nutumte Isor Baba gun manao johara'pe.

Bhage Sombat

Sonot Johone olakaṭ leka Bhage Sombat Johan 6:51-58

[51] Ínge ona jiwet' reak' piṭṭa do one serma khon pheḍ hec'akan. Ar okoe noa piṭṭai jom uni do jaejug ḥabic' jiwet'e tahena. Ínak' hoṛmo kangea ona piṭṭa do. Manwa jemon jionko nam ona laḡit' ín do ínak' hoṛmoń emok'a." [52] Noa katha ańjomkate Jihudi mukhiyaḡo do reṭe peṭek'ko ehop'ena. Onko doko menkeda, "Cekate nui hoṛ do ac'ak' hoṛmo jom laḡit'e em daṛekebona?" [53] Jisui metat'koa, "Saṛigeń metapekana, Manwa Hoponak' jel bape jomle khan ar uniyak' maỹãme bape nule khan apere jion do banuk'anań. [54] Jãhãege ínak' jele jom ar maỹãme nũi uni do jaejug jione nama, ar mucat' dinre uni doń jiwet' berede. [55] Ínak' jel do saṛi jomak' kana ar ínak' maỹãme do saṛi nũiyak' kana. [56] Okoe ínak' jele jom ar ínak' maỹãme nũi uni do ínreya tahenkana ar ín hõ unire. [57] Ín do jiwet'ic' Babageye kol akadińa ar uni iatege jiwet' minãna. Onkage ín jojomic' hõ ín hotete jiwet'e tahena. [58] Noage serma khon pheḍ hec'akan piṭṭa do. Aperen hapṛamko okaṭak' piṭṭa jomkateko goc'en onkan piṭṭa noa do bankana. Noa okoeye joma uni do jaejug ḥabic' jiwet'e tahena.

Dhorom Galmarao

Kristre aḡi manotan ḡulariaḡ Go-Baba,boeha-miserako- jotoko Jisu marań

Jion reak' ḡahar re, bapla, janam din, bhańḡan, bidak', atań daram, peṛa hoṛok' okte ar jion reak' nana rokom oktere, abo sanam hoṛ do- mońj jom-nũiete niãko oktebon puṛaueṭkana. Niãko sanam okte re, bhoj do jaoge hoyokkana. Niãko jom-nũie reak' asol karon do laḡ pereḡ jom-nũie namok', ona do bań kana menkhan niãko sanam okte do raṣka, ḡulaṛ, gaṭi benao rakap', helmel te ṭahen, suluk' re hara-buruk' ar ḡulaṛ ḡaṭiń reak' marań okte kana. Niãko raṣka okte ko do, ḡulaṛ re jo-bahak', ḡulaṛ saḡai tonol kajak' urik' ar miṭ eṭak' hoṛ saote napam ar ḡulaṛ ḡaṭiń reak' sujogkana.

Jisu krist hõ acak' jion ḡahar re aema dhaoge bhoj koreye seletlena. Uni Jisu do Kana reak' bapla bhojreya seletlente d. ak' dakhrasa reye pheraokeda. Maṭiak' mon acurrente, uni bhoje dohokeda ar Jisu do ona bhojreya seletena. Jakeyusak' mon acurente, uni do Jisu bhoj reye neotakedea. Lajarus do goḡko khon beret' ruarḡedete, sarhao reak' bhoj reye seletena. Uni do ses kedok' bhoj re acetetge, bhoje dohokeda. Uni do niã ses kedok' bhojre, acak' jel ar maỹãme emena sanam dhartiren hoṛko laḡit' jemon uniak' bhojre sanam hoṛgeko bhoj ren onsoko hoeyena. Uni Jisu niã ge acen celako uniak' disa re manao laḡite hukummat'koa. Uni do ses kedok' bhoj re, piṭṭa do acak' hoṛmo reye bodolkeda ar dakhrasa do acak' maỹãme reye pheraokeda. Ona Ses Kedok' bhoj ge tehen Sonot Yukarist' taṛhaokeda.

Teheńak' bhage sombat do Sonot Yukarist' saprao babot reak' ghotna kana. Jisu do acetetge dharti manwa ko laḡit' jion piṭṭa lekae emakokana ar gadel hoṛko niã kathae metak'kokana:

"Jãhãege ínak' jele jom ar maỹãme nũi uni do jaejug jione nama, ar mucat' dinre uni doń jiwet' berede. Ínak' jel do saṛi jomak' kana ar ínak' maỹãme do saṛi nũiyak' kana. Okoe ínak' jele jom ar ínak' maỹãme nũi uni do ínreya tahenkana ar ín hõ unire." Ona karonte, Sonot Yukarist' do mitten nawa saḡaiye benao rekapeṭkana- Isor ar Manwa talare. Sonot Yukarist' do Manwa jion laḡit' bhumbhuḡ ar cetan uṭarak' kana. Atmateak' jion bań calao-benao lekhan, jion re onaḡ suk ar raṣka do ohoge nel nam lena.

Abo hõ miṭ-eṭak' hoṛko laḡit', aboak' समय, aboak' गोरो, aboak' अकिलको ḡaṭiń jarur tabona cet' Jisu do Acak' hoṛmo ar maỹãme sanam hoṛko laḡite emkeda. Aboko hõ aboak' समय, aboak' गोरो, aboak' अकिलको ḡaṭińte, miṭ-eṭak' hoṛkoren ḡaṭińbon hoyoka.

Sonot Yukarist' reak' jo ko do niãko kana:

1. Sonot Yukarist do atmateak jomakkana:

Sonot Yukarist oka do Jisua'k ho'mo ar ma'yam kan, ona do atmateak jomakkana. Nia hotete, Manwa do Isor saote tol midukkana. Manwa do Isor saote sonot Baptisma sacrament hoteteye tolmitakana; menkhan Jisua'k ho'mo ar ma'yam jom-nuiete, ar ho' dher sombondhe benao rekapetkana.

2. Sonot Yukarist hotete Manwa do Isor saoteye tolmidukkana:

Sonot Yukarist hotete manwa do Isor saoteye tolmidukkana cedak je uni do Jisua'k sari ho'mo ar ma'yame jom nametkana. Uniak bhojreye seletdokte, uniak hatine hoyokkana. Uniak ho'mo ar ma'yam jom hatinte, manwa do Jisua'k ho'mo, ma'yam, ontor reak hisae hoyokkana.

3. Sonot Yukarist hotete Manwa do kai reak ikae nametkana:

Sonot Yukarist hotete manwa do kai reak ikae nametkana cedak je Sonot Yukarist hotete katik-katik kai ko khon ika namokkana ar ona hotete bidau oktere, larhai lagit dare namokkana.

4. Sonot Yukarist jom-nuiete dular barhaokana:

Sonot Yukarist jom-nuiete dular barhaokana ar dular khon janamok sahai ko hatin re go'ro namokkana. Daya-maya, ika-ipika, bhage hudis, bhage bebhar, bhage chal-colon emanteak ko hatinte manwa somaj do harakkana.

5. Sonot Yukarist jom-nu hatinte girja saote helmelte tahenbon cetjonkana:

Sonot Yukarist jom-nu hatinte girjaren sanam patiauanko saote helmelte tahenbon cetjonkana. Jom-nute eken lac do ban perejokkana menkhan dular sarsaokana.

6. Sonot Yukarist jom-nu hatinte jion bodolokkana:

Sonot Yukarist jom-nu hatinte jion bodolokkana cedak je Uniak jel ar ma'yamre sari jion menaka. Uniak jel ar ma'yam jom-nu hatinte abo ho' Jisu lekabon hoyokkana ar uniak gunkobon hatinetkana.

Nehor Koe

Jisui metat'koa, "Sarigen metapekana, Manwa Ho'onak' jel bape jomle khan ar uniyak' ma'yam bape nule khan apere jion do banuk'ana." Uni Jisu sao jorao tahe' tuluc', Uni thenge aboak nehorko debon sama'na ar aboak ro' ruar do hoyoka: **E Baba, Isor Baba, aleak koeko anjomtaleme.**

E Baba Isor, ale do aleren Girjaren Gu'kpic', Dhorom Papa Pharancis lagit'le nehorokkana, dayate amak' daya dular ar amak' dante pereckaeme jemon uni do sanam daretete Isorak' kathae pasnaote sanam isai boeha-miserako talare Bhage Sombat reak' kathae jahir dareak'. Noa lagit' debon koema.

E Baba, Isor Baba, aleak koeko anjomtaleme.

E Baba Isor, ale do ale dhorom subaren ayuic' aboren Bishop Baba- lagit'le nehorokkana, dayate amak' daya dular ar amak' dante pereckaeme jemon uni do sanam daretete Isorak' katha dhorom suba reak' sanam pasnaote sanam isai boeha-miserako talare Bhage Sombat reak' kathae jahir dareak'. Noa lagit' debon koema.

E Baba, Isor Baba, aleak koeko anjomtaleme.

E Baba Isor, ale do sanam manaa lagit'le nehorokkana, daya kate amak' sahaite pereckome jemon dharti reak' sanam jomak' ar nu'iak do cet' leka gharonjren ho'ko sa'oa'arteko teko jom-nuietkan, onka lekage sanam isai boeha-miserako do jemon sonot Yukarist bhoj ho' jotoko jhomok' ar dular salakko jom hatin ar dular do jaoge harak'. Noa lagit' debon koema.

E Baba, Isor Baba, aleak koeko anjomtaleme.

E Baba Isor, ale do ale aṭu-tolaren juan koṛa – kuriko laḡit'le koeyet'kana, dayatamte amak saḡaite pereckome jemon Isorak hohoko anjomte, Uniak kami dharti reak sanam thai reko pasnao ar somaj laḡit'ko kamiete manaa somaj reak bhalai hoyok. Noa laḡit' debon koema.

E Baba, Isor Baba, aleak koeko anjomtaleme.

E Baba Isor, ale onko sanam isa boeha-miserako laḡit'le koeyet'kana dayatamte amak bhor dan de jariakome jemon Sonot Yukaristre Jisu sarige hajir menaea menteko bisasok ar onka leka man-manotko uduk. Noa laḡit' debon koema.

E Baba, Isor Baba, aleak koeko anjomtaleme.

E Baba Isor, ale onko sanam disam calao-banao horko laḡit'bon koea jemon dharti re sari suluk laḡit'ko kamiete, dharti reak sanam jaegare sari suluk thamgidik ar sanam horak ontor re suluk janamokte dharti naaa ruarok. Noa laḡit' debon koema.

E Baba, Isor Baba, aleak koeko anjomtaleme.

E Baba Isor, ale nonde hajir menakko sanamisai boeha-miserako laḡit'le koeyet'kana dayatamte amak bhor dan de jariakome jemon Sonot Yukaristre bhoj do sapha ontor reko atan. Noa laḡit' debon koema.

E Baba, Isor Baba, aleak koeko anjomtaleme.

E Baba Isor, ale amle sarhaoetmea cedakje am do amren ekaput hopon ala sanamko laḡit' noa dhartitem kolkedea. Uni do acetge acak hormo ar mayam, aleak atmateak jom laḡitem emalekan noa dharti taram daharre. Uni Probhu nutum aleak nehorko anjom taleme. **Amen.**

Fr. Nicholas Besra SDB